

武
227

傷寒金鏡目錄

清碧學士序

傷寒用藥說

驗證舌法

傷寒金鏡目錄終

傷寒金鏡目錄

敖氏傷寒金鏡錄

家藏

古吳薛 已校

後學朱 明閱

凡傷寒熱病傳經之邪比雜病不同必辨其脉瘡
 舌表裏汗下之庶有不誤况脉者血之府屬陰當
 其得病之初正氣相搏若真氣未衰脉必滑數而
 有力病久熱甚氣衰脉必微細而無力方數甚也
 但可養陰退陽此識脉之要也或初病即惡寒發
 熱後必有渴水燥熱之證或逆厥而利此熱瘡傳



經之邪也若始終皆熱瘡惟熱而不惡寒故傷寒
為病初則頭痛必無發熱惡寒渴水之症一病便
有逆厥泄利或但惡寒而無發熱此寒瘡也此識
瘡之妙也如舌本者乃心之竅於舌心屬火主熱
象離明人得病初在表則舌自紅而無白胎等色
表邪入於半表半裏之間其舌色變為白胎而滑
見矣切不可不明表瘡故邪傳於裏未罷則舌必
見黃胎乃邪已入於胃急宜下之胎黃自去而疾
安矣至此醫之不依次悞用湯久失於遲下其胎

必黑變瘡蜂起此為難治若見舌胎如漆黑之光
者十無一生此心火自炎與邪熱一火相乘熱極
則有兼化水象故色從黑而應水化也若乃臟腑
皆受邪毒日深為瘡必作熱症雖宜下之乃去胃
中之熱否則其熱散入絡臟之中鮮有不死者譬
如火之自炎初則紅過則薪為黑色炭矣此九則
害承乃制今以前十一舌明著猶恐未盡諸瘡復
作二十四圖并方治列於左則區區推源尋流實
可決生死之妙也

清碧學士杜先生著

傷寒用藥說


夫醫者何猶防之將也凡視人疾在究其淺深之異而療之且疾之襲人若寇之侵境方其至也必瞰其勢之強弱先以安撫次以講和戒嚴守禦以防其返也如堅然不退至再至三恣強肆侮意謀土地當此之際柰何必選將鍊兵剋期至戰寇滅乃已若愴惶無措則土地陷矣豈非將者不識韜畧不知合變以致悞也可勝嘆哉夫今之醫不閱方書不察脉理臨瘥茫然當解而不解當吐下而

不吐下畏首畏尾顛倒錯亂助病日深殊不知醫乃司命其可輕忽如此大抵病之輕淺者即為和解深重者使便攻擊故日用藥之時膽欲大而心欲小毋使君臣失職佐使不當反嫁疾焉苟能如將之用兵進退合宜操存之法何疾之不愈也余每察脉用藥覺有疑滯幸承先師之誨故始撮其要領以告後人云
至正改元一陽吉日永和二十仙至人蕭璜鳴書

驗證舌法

夫人之受病傷寒為甚傷寒之治仲景為詳人皆知之而未必能行之者豈非以其法浩繁有難卒貫者乎舊有敖氏金鏡錄一篇專以舌色視病既圖其狀復著其情而後別其方藥開卷昭然一覽具在雖不期乎仲景之書而自悉合乎仲景之道可謂深而通約而要者矣予昔承乏留都嘗刻之太醫官舍本皆繪以五采恐其久而色渝因致謬誤乃分注其色於上使人得以意會焉

白胎舌



舌見白胎滑者邪初入裏也丹由有熱胸中有寒乃少陽半表半裏之證也宜用小柴胡湯梔子豉湯治之

湯治之


小柴胡湯

方見後

梔子豉湯

方見後

將瀘舌



純紅

舌見紅色熱蓄於內也不問何經宜用透頂清神散治之

透頂清神散

猪牙皂

細辛

白芷

當歸

右為末等分和勻令病人先噙水下口以藥少許吹鼻內吐去水取嚏為度未嚏仍用藥吹凡瘟疫之家不俱已未患者皆宜用之

中純
焙紅
舌色

舌見純紅內有黑形如小舌者乃邪熱結於裏也君火熾盛反兼水化宜涼膈散大柴胡湯下之


涼膈散 方見後

大柴胡湯 方見後

生癍
純紅
舌

舌見紅色而有小黑色者熱毒乘虛入胃蓄熱則發癍矣宜用玄參升麻葛根湯化斑湯解之玄參升麻葛根湯即玄參升麻湯加葛根方見後

化斑湯 即白虎湯加入參方見後




舌見淡紅中有大紅星者乃少陰君火熱之盛也
所不勝者假火勢以侮脾土將欲發黃之候也宜
用茵陳五苓散治之
茵陳五苓散 方見後



舌見紅色尖見青黑者水虛火實腎熱所致宜用
竹葉石膏湯治之 方見後



舌見淡紅色而中有一紅暈沿皆純黑乃餘毒遺
於心胞絡之間與邪火鬱結火亢極故有是證
也以承氣湯下之 方見後



人亦有此形

舌見紅色更有裂紋如人字形者乃君火燔灼熱毒炎上故發裂也宜用涼膈散

涼膈散 方見後



舌見紅色更有紅點如蟲蝕之狀者乃熱毒熾盛火在上水在下不能相濟故也宜用小承氣湯下之

小承氣湯 方見後



舌見紅色內有乾硬黑色形如小長舌有刺者此熱毒熾甚堅結大腸金受火制不能平木故也急用調胃承氣湯下之

調胃承氣湯 方見後



舌見紅色內有黑紋者乃陰毒厥于肝經肝主筋

故舌是如絲形也用理中合四逆湯溫之

乾姜半兩 炮 附子一枚 去皮 甘草六錢 二

右每服五錢水一鍾煎六分不拘時溫服

理中湯服法

人參 甘草炙 乾姜炮 白朮炒



舌見黑色水剋火明矣患此者百無一生治者審


之

余在留都時地官主事鄭汝東妹塔患傷寒得此舌院內醫士會禱謂當用附子理中湯入咸驚駭遂止亦莫能療困甚治稍曾與之隣往視之謂用前藥猶有生理其家既待以死據從之數劑而愈大抵舌黑之症有火極似水者即杜學士所謂薪為黑炭之意也宜涼膈散之類以瀉其陽有水來剋火者即曾醫士所療之人是也宜理中湯以消陰翳又須以老生姜切平擦

其舌色稍退者，可治。堅不退者，不可治。
弘治辛酉，金臺姜慶輝患傷寒，亦得此舌。手足厥冷，吃逆不止。眾醫猶作火治，幾致危殆。判院吳仁齋用附子理中湯而愈。夫醫之為道，有是病必有是藥。附子療寒，其效可數。奈何世皆以為必不可用之藥，寧視人之死而不救，不亦哀哉！至於火極似水之症，用藥得宜，效應不異，不可便謂為百無一治而棄之也。

敖氏傷寒金鏡錄圖方

黃胎舌



舌見尖白，根黃，其表證未罷也。須宜解表，然後方可攻之。如太便秘者，用涼膈散加硝黃泡服。小便澀者，用五苓散加木通。合益元散加姜汁少許，以白滾湯調服。

涼膈散

生甘草 二兩
連翹 四兩
山梔 一兩
大黃 二兩
黃芩 一兩
薄荷 葉
朴硝 各一兩

右每服一兩水一盞淡竹葉二十餘片煎至二盞去粗入生蜜少許熱服以利為度

五苓散

加茵陳即茵陳五苓散

澤瀉 二錢五分

猪苓

白朮

各一兩五錢

桂 五錢

木通

滑石

甘草

炙各一兩

右為末每服五錢入薑汁并蜜各少許白滾湯調下

黑心舌



舌見弦白心黑而脈沉微者難治脈浮滑者可汗沉實者可下始病即發此色乃危殆之甚也速進調胃承氣湯下之

調胃承氣湯

甘草 三錢

大黃 六錢

硝 二錢

右用水一鍾半先煎甘草大黃將熟去粗下芒硝再煎三五沸頓熱服

十五舌



白胎

舌尖白胎二分根黑一分必有身痛惡寒如飲水不至甚者五苓散自汗渴者白虎湯下利者解毒湯此亦危證也

五苓散 方見後

白虎湯

知母 一錢五分 甘草 炙一錢 石膏 四錢 粳米 撮

右每服一兩用水一鍾半入糯米先煎下諸味再煎去粗服之加人參亦可

解毒湯

黃連 一兩 黃柏 五錢 黃芩 五錢 山梔子 二十箇
右每服五錢水一鍾半煎至一鍾去粗頓服



舌見白胎中有黑小點亂生者尚有表證其病來之雖惡宜涼膈散微表之表退即當下之下用調胃承氣湯

涼膈散 方見前

調胃承氣湯 方見前

舌七
俱
灰
色

舌見如灰色中間更有黑暈兩條此熱乘腎與命門也宜急下之服解毒湯下三五次遲則難治如初服量加大黃酒浸泡
解毒湯 方見後

舌八
微
黃
色

舌見微黃色者初病即得之發譫語者由突汗表

邪入裏也必用汗下兼行以雙解散加解毒湯兩停主之

雙解散加解毒湯

防風 川芎 當歸 芍藥

大黃 麻黃 連翹 芒硝 各半兩

石膏 黃芩 桔梗 滑石 各一兩

甘草 一兩 荆芥 半兩 白朮 山梔 各半兩

右每服一兩水一鍾半姜三片煎八分服不拘時一云有桂枝二兩

九十 舌 白胎 微黃

舌中見白胎外則微黃者必作泄宜服解毒湯惡寒者五苓散

五苓散 方見前

解毒湯 方見前

十二 舌 微黃

舌見微黃色者表證未罷宜用小柴胡湯合天水

散主之可下者大柴胡湯下之表裏雙除臨證審用之

小柴胡湯

柴胡 四錢 黃芩 甘草 人參

半夏 泡各二錢

右每服一兩水一鍾半姜三片棗一枚煎一鍾溫服

天水散

甘草 炙一兩 桂府滑石 六兩

右各另為末每服五錢入生姜汁并蜜各少許
用白滾湯任意調服如發表用豆豉葱頭煎湯
調服

大柴胡湯

柴胡

四錢

黃芩

芍藥

各二錢五分

半夏

大黃

二錢五分

枳實

二錢

右以咀每服八錢水一鍾半姜二片棗一枚煎
一鍾溫服

十二

黃色

本

舌見黃色者必初白胎而變黃色也皆表而傳裏
熱已入胃宜急下之若下遲必變黑色為惡證為
亢害鬼賊邪氣深也不治宜用調胃承氣湯下之
調胃承氣湯 方見前

十二

白胎

本


舌左白胎而自汗者不可下宜白虎湯加入參二

錢服之




舌右白胎滑者病在肌肉為邪在半表半裏必往來寒熱宜小柴胡湯和解之

小柴胡湯 方見前



舌左見白胎滑此臟結之證邪併入臟難治



舌見四圍白而中黃者必作煩渴嘔吐之證兼有表者五苓散益元散兼服須待黃盡方可下也

益元散 方見前

五苓散 方見前



舌見黃而有小黑點者邪迫六腑將入五臟也急

服調胃承氣湯下之次進和解散十救四五也

調胃承氣湯 方見前

和解散

藁本

桔梗

甘草

炙各五錢 蒼朮 三錢

陳皮

厚朴

姜製各一錢

右水一鍾半姜三片棗三枚煎七分去渣不拘

時服

七十二舌

黃色
色白

舌見黃而尖白者表少裏多宜天水散一服涼膈散一服合進之脉弦者宜防風通聖散

天水散 方見前

涼膈散 方見前

防風通聖散 方見前

二十八舌

純黃

舌見黃而澁有膈瓣者熱已入胃邪毒深矣心火煩渴急宜大承氣湯下之若身發黃者用茵陳湯

下血用抵當湯水在脇內十棗湯結胸甚者大陷胸湯痞用大黃瀉心湯

大承氣湯

厚朴姜製三錢枳實楚炒二錢大黃三錢芒硝二錢

右每服一兩水一鍾半先煎枳實候熟入大黃再煎數沸入芒硝煎三五沸去粗熱服

茵陳湯

茵陳五錢大黃三錢山梔子七枚

右每服一兩水一盞半先煎茵陳半熟次入大黃

味再煎去粗通口熱服

抵當湯

大黃三錢水蛭糯米炒七箇蟅蟲炒去羽足七箇

右作二服水一盞半煎一鍾去粗通口服

十棗湯

菴花醋浸炒大戟煨各等分甘遂煨各等分

右每服一錢弱人減半以水一鍾半大棗十枚劈碎煎取八分去粗通口服

大陷胸湯

大黃錢七 芒硝錢三 甘遂分四

右用水一斗鍾先煎大黃至一鍾去粗下芒硝煎三五沸再下甘遂未溫服取利

大黃瀉心湯

大黃錢五 黃連 黃芩各三錢五分

右作一服水一斗鍾煎一鍾去粗通口溫服若有宿食痰飲者加半夏麴一錢



舌見四邊微紅中央灰黑色者此由失下而致用大承氣湯下之熱退可愈必三四下方退五次下之而不退者不治

大承氣湯 方見前



舌見黃而黑點亂生者其證必渴譫語脈實者生脈濇者死循衣摸床者不治若下之見黑糞亦不治下宜大承氣湯

大承氣湯 方見前



舌見黃中黑至尖者熱氣已深兩感見之十當九死惡寒甚者亦死不惡寒而下利者可治宜用調胃承氣湯主之


調胃承氣湯 方見前



舌見外淡紅心淡黑者如惡風表未罷用雙解散加解毒湯相半微汗之汗罷急下之如結胸煩躁目直視者不治非結胸者可治

雙解散 方見前

解毒湯 方見前



舌見灰色尖黃不惡風寒脈浮者可下之若惡風惡寒者用雙解散加解毒湯主之三四下之見糞

黑不治

雙解散 方見前

解毒湯 方見前



舌見灰黑色而有黑紋者脈實急用大承氣湯下之脈浮渴飲水者用涼膈散解之十可救其二十三



舌根微黑尖黃脈滑者可下之脈浮者當養陰退陽若惡風寒者微汗之用雙解散若下利用解毒湯十七生七八也

雙解散 方見前

解毒湯 方見前



舌根微黑尖黃隱見或有二紋者脈實急用大承氣湯下之脈浮渴飲水者用涼膈散解之十可救

其二十二

已上三十六舌乃傷寒驗證之捷臨證用心處
之百無一失

傷寒金鏡錄終

承應三年甲曆二月日

二条通松屋町

武村市兵衛行

